

八
代
詩
選

漢至隋

八代詩選十八

郊廟樂章及頌德樂詞一卷

長沙湘潭王闔運撰

漢司馬相如等

郊祀歌十九首

練時日候有望炳管蕭延四方九重開靈之旂垂惠恩鴻
祐休靈之車結元雲駕飛龍羽旄紛靈之下若風馬左蒼
龍右白虎靈之來神哉沛先以雨般裔裔靈之至慶陰陰
相放怫震澹心靈已坐五音飭虞至旦承靈億牲繭粟粢
盛香尊桂酒賓八鄉靈安留吟青黃徧觀此眺瑤堂眾嫜

竝綽奇麗顏如荼兆逐靡被華文厠霧縠曳阿錫佩珠玉
俠嘉夜蒞蘭芳澹容與獻嘉觴 練時日

帝臨中壇四方承宇繩繩意變備得其所清和六合制數
以五海內安甯興文偃武后土富媪昭明三光穆穆優游
嘉服上黃 帝臨

青陽開動根莖以遂膏潤并愛跂行畢逮霆聲發榮壘處
頃聽枯槁復產迺成厥命眾庶熙熙施及天胎羣生嗷嗷
惟春之祺 青陽

朱明盛長莠與萬物桐生茂豫靡有所詘敷華就實旣阜
旣昌登成甫田百鬼迪嘗廣大建祀肅雝不忘神若宥之

傳世無疆 朱明

西顛沉碣秋氣肅殺含秀垂穎續舊不廢姦僞不萌妖孽
伏息隅辟越遠四貉咸服既畏茲威惟慕純德附而不驕
正心翊翊 西顛

元冥陵陰蟄蟲蓋藏草木零落抵冬降霜易亂除邪革正
異俗兆民反本抱素懷樸條理信義望禮五岳藉斂之時
掩收嘉穀 元冥

惟泰元尊媪神蕃釐經緯天地作成四時精建日月星辰
度理陰陽五行周而復始雲風雷電降甘露雨百姓蕃滋
咸循厥緒繼續共勤順皇之德鸞路龍鱗罔不胼飾嘉籟

列陳庶幾宴享滅除凶災烈騰八荒鐘鼓竽笙雲舞翔翔
招搖靈旗九夷賓將 惟泰元

天地竝況惟予有慕爰熙紫壇思求厥路恭承禋祀緼豫
爲紛黼繡周張承神至尊千童羅舞成八溢合好效歡虞
泰一九歌畢奏斐然殊鳴琴竽瑟會軒朱璆磬金鼓靈其
有喜百官濟濟各敬厥事盛牲實俎進聞膏神奄留臨須
搖長麗卉掞光耀明寒暑不忒况皇章展詩應律銅玉鳴
函宮吐角激徵清發梁揚羽申以商造茲新音永久長聲
氣遠條鳳鳥鵠神夕奄虞蓋孔享 天地
太一況天馬下霑赤汗沫流赭志俶儻精權奇籥浮雲晻

上馳體容與迤萬里今安匹龍爲友 元狩三年天馬歌
天馬來從西極涉流沙九夷服天馬來出泉水虎脊兩化
若鬼天馬來歷無草徑千里循東道天馬來執徐時將搖
舉誰與期天馬來開遠門竦予身逝昆侖天馬來龍之媒
游閭闔觀玉臺 太初四年天馬歌

天門開詖蕩蕩穆竝騁以臨饗光夜燭德信著靈浸平而
鴻長生豫大朱涂廣夷石爲堂飾玉梢以舞歌體招搖若
永望星留俞塞隕光照紫幄珠熿黃幡比翅回集貳雙飛
常羊月穆穆以金波日華耀以宣明假清風軋忽激長至
重觴神裴回若留放殫冀親以肆章函蒙祉福常若期宋

謬上天知厥時泛泛滇滇從高旂殷勤此路臚所求佻正
嘉吉宏以昌休嘉碎隱溢四方專精厲意逝九閼紛云六
幕浮大海 天門

景星顯見信星彪列象載昭庭日親以察參侔開闔爰推
本紀汾睢出鼎皇祐元始五音六律依韋饗昭襍變竝會
雅聲遠姚空桑琴瑟結信成四興遞代八風生殷殷鐘石
羽籥鳴河龍供鯉醇犧牲百末旨酒布蘭生泰尊柘瓊析
朝醒微感心攸通修名周流常羊思所并穰穰復正直往
寧馮蟻切和疏寫平上天布施后土成穰穰豐年四時榮

景星

齋房產草九莖連葉宮童効異披圖案謀元氣之精回復
此都蔓蔓日茂芝成靈華 齋房

后皇嘉壇立元黃服物發冀州兆蒙祉福沈沈四塞假狄
合處經營萬億咸遂厥宇 后皇

華燿燿固靈根神之旂過天門車千乘敦昆侖神之出排
玉房周流雜拔蘭堂神之行旌容容騎沓沓般從從神之
徠泛翊翊甘露降慶雲集神之掄臨壇宇九疑賓夔龍舞
神安坐鵝吉時其翊翊合所思神嘉虞申貳觴福滂洋邁
延長沛施祐汾之阿揚金光橫泰河莽若雲增陽波徧臚

歡騰天歌 華燿燿

五神相包四鄰土地廣場浮雲圻嘉壇椒蘭芳璧玉精垂
華光益億年美始興交于神若有承廣宣延咸畢觴靈輿
位偃蹇驪卉汨臚析奚遺淫淥澤汪然歸 五神

朝隴首覽西垠雷電寮獲白麟爰五止顯黃德圖凶虐熏
鬻廼闢流離抑不詳賓百僚山河饗掩回轅鬣長馳騰雨
師洒路陂流星隕感惟風籥歸雲撫還心 朝隴首

象載瑜白集西食甘露飲榮泉赤雁集六紛員殊翁雜五
采文神所見施祉福登蓬萊結無極 象載瑜

赤蛟綏黃華蓋露夜零晝暎溢百君禮六龍位勺椒漿靈
已醉靈旣享錫吉祥芒芒極降嘉觴靈殷爛揚光延壽

命永未央杳冥冥塞六合澤汪濊輯萬國靈禔禔象輿輶
栗然逝旗逶迤禮樂成靈將歸託元德長無衰 赤蛟

高祖夫人唐山氏

安世房中歌十七章

大孝備矣休德昭清高張四縣樂充宮庭芬樹羽林雲景
杳冥金支秀華庶旒翠旌

七始華始肅倡和聲神來晏娛庶幾是聽粥粥音送細齊
人情忽乘青元熙事備成清思呦呦經緯冥冥

我定歷數人告其心敕身齊戒施教申申乃立祖廟敬明
尊親大矣孝熙四極爰轅

王侯秉德其鄰翼翼顯明昭式清明邕矣皇帝孝德竟全
大功撫安四極

海內有姦紛亂東北詔撫成師武臣承德行樂交逆簫勺
羣慝肅爲濟哉蓋定燕國

大海蕩蕩水所歸高賢愉愉民所懷太山崔百卉殖民何
貴貴有德

安其所樂終產樂終產世繼緒飛龍秋游上天高賢愉樂
民人

豐草萋女蘿施善何如誰能回大莫大成教德長莫長被
無極

雷震震電耀耀明德鄉治本約治本約澤宏大加被寵咸
相保德施大世曼壽

都荔遂芳窠桂華孝奏天儀若日月光乘元四龍同馳
北行羽旄殷盛芬哉芒芒孝道隨世我署文章

馮馮翼翼承天之則吾易久遠燭明四極慈惠所愛美若
休德杳杳冥冥克綽厥福

磴磴卽卽師象山則烏呼孝哉案撫戎國蠻夷竭歡象來
致福兼臨是愛終無兵革

嘉薦芳矣告靈饗矣告靈旣饗德音孔臧惟德之臧建侯
之常承保天休令問不忘

皇皇鴻明蕩侯休德嘉承天和伊樂厥福在樂不荒惟民
之則浚則師德下民咸殖令問在舊孔容翼翼漢書自浚則以下別

爲一章

孔容之常承帝之明下民之樂子孫保光承順溫良受帝
之光嘉薦令芳壽考不忘

承帝明德師象山則雲施稱民永受厥福承容之常承帝
之明下民安樂受福無疆

班固

郊祀靈芝歌

因靈寢兮產靈芝象三德兮瑞應圖延壽命兮光此都配

上帝兮象太微參日月兮揚光輝

王粲

俞兒舞歌四首

漢初建國家匡九州蠻荆震服五刃三革休安不忘備武
樂修宴我賓師敬用御天永樂無憂子孫受百福常與松
喬游烝庶德莫不咸歡柔 予俞新福

材官選士劔弩錯陳應桴蹈節俯仰若神綏我武烈篤我
淳仁自東自西莫不來賓 弩俞新福

武功既定庶士咸綏樂陳我廣庭式宴賓與師昭文德宣
武威平九有撫民黎荷天寵延壽尸千載莫我違 安臺

新福

神武用師士素厲仁恩廣被猛節橫逝自古立功莫我宏
大桓桓征四國爰及海裔漢國保長慶垂祚延萬世行

辭新福

魏繆襲

鼓吹曲十二首

初之平義兵征神武奮金鼓鳴邁武德揚洪名漢室微社
稷傾皇道失桓與靈奄宦熾羣雄爭邊韓起亂金城中國
擾無紀經赫武皇起旗旌麾天下天下平濟九州九州甯
勅武功武功成越五帝邈三王興禮樂定紀綱普日月齊

輝光 初之平

戰滎陽汲水陂戎士憤怒貫甲馳陳未成退徐榮二萬騎
塹壘平戎馬傷六軍驚勢不集眾幾傾白日沒時晦冥願
中牟心屏營同盟疑計無成賴我武皇萬國甯 戰滎陽
獲呂布戮陳宮芟夷鯨鯢驅騁羣雄囊括天下運掌中

獲呂布

克紹官渡由白馬殭尸流血被原野賊眾如犬羊王師尙
寡沙塹旁風飛揚轉戰不利士卒傷今日不勝後何望土
山地道不可當卒勝大捷震冀方屠城破邑神武遂章

克官渡

舊邦蕭條心傷悲孤魂翩翩當何依游士戀故涕如摧兵
起事大令願違傳求親戚在者誰立廟置後魂來歸 舊
邦

定武功濟黃河河水湯湯且莫有橫流波袁氏欲衰兄弟
尋干戈決漳水流滂沱嗟城中如流魚誰能復顧室家
計窮慮盡來求連和不時心中憂戚賊眾內潰君臣奔
北拔鄴城奄有魏國王業艱難覽觀古今可爲長歎 定

武功

屠柳城功誠難越度隴塞路漫漫北踰岡平但聞悲風正
酸蹋頓授首遂登白狼山神武懋海外永無北顧患 屠

柳城

南荆何遼遼江漢濁不清菁茅久不貢王師赫南征劉琮
據襄陽賊備屯樊城六軍廬新野金鼓震天庭劉子面縛
至武皇許其成許與其成撫其民陶陶江漢間永普爲大
魏臣大魏臣向風思自新思自新齊功古人在昔虞與唐
大魏得與均多選忠義士爲喉脣天下一定萬世無風塵
平南荆

平關中路由潼濟濁水立高墉鬪韓馬離羣凶選驍騎縱
兩翼虜崩潰級萬億 平關中

應帝期於昭我文皇歷數承天序龍飛自許昌聰明昭四

表恩德動遐方星辰爲垂耀日月爲重光河洛吐符瑞草木挺嘉祥麒麟步郊野黃龍游津梁白虎依山林鳳皇鳴高岡考圖定篇籍功配上古義皇羲皇無遺文仁聖相因循期運三千歲一生聖明君堯授舜萬國萬國皆附親四門爲穆穆教化常如神大魏興聖與之爲鄰 應帝期
邕熙君臣念德天下治登帝道獲瑞寶頌聲竝作洋洋浩浩吉日臨高堂置酒列名倡歌聲一何紆餘襍笙簧八音諧有紀綱子孫永建萬國壽考樂無央 邕熙

曹植

鞞舞歌

序曰漢靈帝西園鼓吹有李堅者能鼙舞遭亂西隨段
頌先帝聞其舊有技召之堅既中廢兼古曲多謬誤故
改作新歌五篇

大魏應靈符天祿方甫始聖德致泰和神明爲驅使左右
宜供養中殿宜皇子陛下長壽考羣臣拜賀咸悅喜積善
有餘慶寵祿固天常眾喜填門至臣子蒙福祥無患及陽
遂輔翼我聖皇眾吉咸集會凶邪姦惡並滅亡黃鶴游殿
弄神鼎周四阿玉馬充乘輿芝蓋樹九華白虎戲西除舍
利從辟邪騏驥躡足舞鳳皇拊翼歌豐年大置酒玉尊列
廣庭樂飲過三爵朱顏暴已形式宴不違禮君臣歌鹿鳴

樂人舞鞞舞百官雷抃讚若驚儲禮如江海積善若邱山
皇嗣繁且熾孫子列曾元羣臣咸稱萬歲陛下長壽樂萬
年御酒停未飲貴戚跪東廂侍人承顏色奉進金玉觴此
酒亦真酒福祿當聖皇陛下臨軒笑左右咸歡康楮來一
何遲羣僚以次行賞賜屢千億百官竝富昌 大魏篇

精微爛金石至心動神明杞妻哭死夫梁山爲之傾子丹
西質秦烏白馬角生鄒衍囚燕市繁霜爲夏零關東有賢
女自字蘇來卿壯年報父仇身沒垂功名女休逢赦書白
刃幾在頸俱上列仙籍去死獨就生太倉令有罪遠徵當
就拘自悲居無男禍至無與俱緹縈痛父言荷擔西上書

盤桓北闕下泣淚何漣如乞得并姊弟沒身贖父軀漢文
感其誼肉刑法用除其父得以免辯義在列圖多男亦何
爲一女足成居簡子南渡河津吏廢舟船執法將加刑女
娟攤檝菴妾父聞君來將涉不測淵畏懼風波起禱祝祭
名山備禮饗神祇爲君求福先不勝醮祀誠至今犯罰艱
君必欲加誅乞使知罪讐妾願以身代至誠感蒼天國君
高其義其父用赦原河激奏中流簡子知其賢歸聘爲夫
人榮寵超後先辯女解父命何況健少年黃初發和氣明
堂德教施治道致太平禮樂風俗移刑錯民無枉怨女復
何爲聖皇長壽考景福常來儀 精微篇

孟冬十月陰氣厲清武官誠田講旅統兵元龜襲吉元光
著明蚩尤蹕路風弭雨停乘輿啟行鸞鳴幽軋虎賁采騎
飛象珥鷓鐘鼓鏗鏘簫管嘈喝萬騎齊鑣千乘等蓋夷山
填谷平林滌藪張羅萬里盡其飛走趨趨狡兔揚白跳翰
獵以青骹掩以修竿韓盧宋鵲呈才騁足噬不盡縲牽麋
倚鹿魏氏發機養基撫弦都盧尋高搜索猴蜎慶忌孟賁
蹈谷超巒張目決眦髮怒穿冠頓熊掘虎蹴豹搏羆氣有
餘勢負象而趨獲車旣盈日側樂終罷役解徒大饗離宮
亂曰聖皇臨飛軒論功校獵徒死禽積如京流血成溝渠
明詔大勞賜大官供有無走馬行酒醴驅車存肉魚鳴鼓

舉觴爵擊鐘醕無餘絕網縱麟麕弛罩出鳳雛收功在羽
校威靈振鬼區陛下長懽樂永世合天符 孟冬篇

吳韋昭

鼓吹曲十二首

炎精缺漢道微皇綱弛政德違眾姦熾民罔依赫武烈越
龍飛陟天衢耀靈威鳴雷鼓抗電麾撫乾衡鎮地機厲虎
旅騁熊羆發神聽吐英奇張角破邊韓羈宛潁平南土綏
神武章淫澤施金聲震仁風馳顯高門啟皇基統罔極垂
將來 炎精缺

曹操北伐拔柳城乘勝席卷遂南征劉氏不睦八郡震驚

眾既降操屠荆舟車十萬揚風聲議者狐疑慮無成賴我
大皇發聖明虎臣雄烈周與程破操烏林顯章功名 伐

烏林

秋風揚沙塵寒露霑衣裳角弓持弦急鳩鳥化為鷹邊垂
飛羽檄寇賊侵界疆跨馬披介冑慷慨懷悲傷辭親向長
路安知存與亡窮達固有分志士思立功要之戰
場身逸獲高賞身沒有遺封 秋風

關背德作鴟張割我邑城圖不祥稱兵北伐圍樊襄陽嗟
臂大於股將受其殃魏魏夫聖主睿德與元通與元通親
任呂蒙汎舟洪汜池溯涉長江神武一何桓桓聲烈正與

風翔歷撫江安城大據郢邦虜羽授首百蠻咸來同盛哉
三五比隆 關背德

荆門限巫山高峻與雲連變夷阻其險歷世懷不賓漢王
據蜀郡崇好結和親乖微中情疑讒夫亂其間大皇赫斯
怒虎臣勇氣震蕩滌幽藪討不恭觀兵揚炎燿厲鋒整封
疆整封疆闡揚威武容功赫戲洪烈炳章邈矣帝皇世聖
吳同厥風荒裔望清化化恢宏煌煌大吳延祚永未央

通荆門

章洪德邁威神感殊風懷遠鄰平南裔齊海濱越裳貢扶
南臣珍貨充庭所見日新 章洪德

承天命於昭聖德三精垂象符靈表德巨石立九穗植龍
金其鱗烏赤其色輿人歌億夫歎息超龍升襲帝服窮溘
懿體元默夙興臨朝勞謙日昃易簡以崇仁放遠讒與慝
舉賢才親近有德均田疇茂稼穡審法令定品式考功能
明黜陟人思自盡唯心與力家國治王道直思我帝皇壽
萬億長保天祿祚無極 承天命

晉傅玄

天地郊明堂歌

整泰壇禮皇神精氣感百靈賓蒞朱火燎芳薪紫烟游冠
青雲神之體靡象形曠無方幽以清神之來光景照聽無

聞視無兆神之至舉歆歆靈爽協動余心神之坐同歡娛
澤雲翔化風舒嘉樂奏文中聲八音諧神是聽咸絜齊竝
芬芳烹牲享玉觴神悅饗歆禋祀佑大晉降繁祉祚京
邑行四海保天年窮地紀 天郊饗神歌

整泰邱埃皇祇眾神感羣靈儀陰祀設吉禮施夜將極時
未移祇之體無形象潛泰幽洞忽荒祇之出夔若有靈無
遠天下毋祇之來遺光景昭若存終冥冥祇之至舉欣欣
舞象德歌成文祇之坐同歡豫澤雨施化雲布樂八變聲
教敷物咸亨祇是娛齊既絜侍者肅玉觴進咸穆穆饗嘉
黍歆德馨祚有晉既羣生溢九壤格天庭保萬壽延億齡

地壇饗神歌

四廂樂歌

天命大晉載育羣生於穆上德隨時化成自祖配命皇皇
后辟繼天勅業宣文之績丕顯宣文先知稼穡克恭克儉
足教足食旣教食之宏濟艱難上帝是祐下民所安天祐
聖皇萬邦來賀雖安勿安乾乾匪暇乃正邱郊乃定冢社
虞虞作宗光宅天下惟敬朝饗爰奏食舉盡禮供御嘉樂
有序樹羽設業笙鏞以間琴瑟齊列亦有箎塤嗶嗶鼓鐘
鎗鎗磬管八音克諧載夷載簡旣夷旣簡其大不禦風化
潛興如雲如雨如雲之覆如雨之潤聲教所暨無思不順

教以化之樂以和之和而養之時惟邕熙禮愼其儀樂節
其聲於鑠皇繇旣和且平 食舉東西廂歌

鼓吹曲二十二首

宣受命應天機風雲時動神龍飛禦諸葛鎮雒梁邊境安
夷夏康務節事勤定傾攬英雄保持盈淵穆穆赫明明沖
而泰天之經養威重運神兵亮乃震斃天下甯 宣受命
文皇統百揆繼天理萬方武將鎮四隅英佐盈朝堂謀言
協秋蘭清風發其芳洪澤所溥潤礫石爲圭璋大道倅五
帝盛德踰三王咸光大上參天與地至化無內外無內外
六合竝康乂竝康乂邁茲嘉會在昔羲與農大晉德斯邁

鎮征及諸州爲蕃衛元功濟四海洪烈流萬世 文皇統

百揆

惟庸蜀僭號天一隅劉備逆帝命禪亮承其餘攤眾數十
萬闕隙承我虛驛騎進羽檄天下不遑居姜維屢寇邊隴
上爲荒蕪文皇愍斯民歷世受罪辜外謨藩屏臣內謀眾
士夫爪牙應指授腹心獻良圖良圖協成文大興百萬軍
雷鼓震地起猛勢陵浮雲逋虜畏天誅面縛造壘門萬里
同風教逆命稱妾臣光建五等綱紀天人 惟庸蜀
於穆我皇盛德聖且明受禪君世光濟羣生普天率土莫
不來庭顛顛六合內望風仰泰清萬國雖雖興頌聲大化

洽地平而天成七政齊玉衡惟平峨峨佐命濟濟羣英夙
夜乾乾萬幾是經雖治興匪荒甯謙道光沖不盈天地合
德日月同榮赫赫煌煌燿幽冥三光克從於顯天垂景星
龍鳳臻甘露宵零肅神祇祇上靈萬物欣戴自天效其成
於穆我皇

唐堯諮務成謙謙德所興積漸終光大履霜致堅冰神明
道自然河海猶可凝舜禹統百揆元凱以次升禪讓應天
歷睿聖世相承我皇陟帝位平衡正準繩德化飛四表祥
氣見其徵興王坐俟旦亡主恬自矜致遠由近始覆篲成
山陵披圖按先籍有其證靈液 唐堯

元雲起邱山祥氣萬里會龍飛何蜿蜿鳳翔何翩翩昔在
唐虞朝時見青雲際今親游萬國流光溢天外鶴鳴在後
園清音隨風邁成湯隆顯命伊摯來如飛周文獵渭濱遂
載呂望歸符合如影響先天天弗違輟耕綜時綱解褐衿
天維元功配二王芬馨世所稀我皇敘羣才洪烈何巍巍
桓桓征四表濟濟理萬機神化感無方髦才盈帝畿丕顯
惟昧旦日新孔所咨茂哉明聖德日月同光輝 元雲
伯益佐舜禹職掌山與川德侔十六相思心入無間智理
周萬物下知眾鳥言黃雀應清化翔集何翩翩和鳴棲庭
樹裴回雲日間夏桀爲無道密罔施山河酷祝振織罔當

奈黃雀何殷湯崇天德去其三面羅逍遙羣飛來鳴聲乃
復和朱雀作南宿鳳皇統羽羣赤鳥銜書至天命瑞周文
神雀今來游爲我受命君嘉祥致天和膏澤隆青雲蘭風
發芳氣闔世同其芬 伯益

釣竿何冉冉甘餌芳且鮮臨川運思心微綸沈九淵太公
寶此術乃在靈祕篇機變隨物移精妙貫未然游魚驚著
釣潛龍飛戾天戾天安所至撫翼翔太清太清一何異兩
儀出渾成玉衡正三辰造化賦羣形退願輔聖君與神合
其靈我君宏遠略天人不足并天人初并時昧昧何芒芒
日月有徵兆文象興三皇蚩尤亂生民黃帝用兵征萬方

速夏禹而德衰三代不及虞與唐我皇聖德配堯舜受禪
卽祚享天祥率土蒙祐靡不肅庶事康庶事康穆穆明明
荷百祿保無極永泰平 鈞竿

宣武舞歌

惟聖皇德巍巍光四海禮樂爲形影文武爲表裏乃作巴
渝肆舞士劔弩齊列戈矛爲之始進退疾鷹鷂龍戰而豹
起如亂不可亂動作順其理離合有統紀 惟聖皇篇矛

俞第一

劔爲短兵其勢險危疾踰飛電回旋應規武節齊聲或合
或離電發星驚若景若差兵法攸象軍容是儀 短兵篇

劔俞第二

弩爲遠兵軍之鎮其發有機體難動往必速重而不遲銳
精分罇射遠中微弩俞之樂一何奇變多姿退若激進若
飛五聲協八音諧宣舞象讚天威 軍鎮篇弩俞第三

窮武者喪何但敗北柔弱亡戰國家亦廢秦始徐偃旣已
作戒前世先王鑒其機修文整武藝文武足相濟然後德
光大亂曰高則亢滿則盈亢必危盈必傾去危傾守以平
冲則久濁能清混文武順天經 窮武篇安臺行亂第四
宣文舞歌

羲皇之初天地開元罔罟禽獸羣黎以安神農教耕耜業

誠難民得粒食澹然無所患黃帝始征伐萬品造其端軍
駕無常居是日軒轅軒轅旣勤止堯舜匪荒甯夏禹治水
湯武又用兵孰能保安逸坐致太平聖皇邁乾乾天下興
頌聲穆穆且明明惟聖皇道化彰激四海清三光萬幾理
庶事康潛龍升儀鳳翔風雨時物繁昌卻走馬降瑞祥揚
側陋簡忠良百祿是荷眉壽無疆 羽籥舞歌

昔在渾成時兩儀尙未分陽升垂清景陰降興浮雲中和
合氛氲萬物各異羣人倫得其序眾生樂聖君三統繼五
行然後有質文皇王殊運代治亂亦續紛伊大晉德兼往
古越羲農邈舜禹參天地陵三五禮唐周樂韶武豈惟簫

韶六代具舉澤霑地境化充天寓聖明臨朝元凱作輔普
天同樂胥浩浩元氣遐哉太清五行流邁日月代征隨時
變化庶物乃成聖皇繼天光濟羣生化之以道萬國咸甯
受茲介福延于億齡 羽鐸舞歌

鼙舞歌五首

宣文剏洪業盛德在泰始聖皇應靈符受命君四海萬國
何所樂上有明天子唐堯禪帝位虞舜惟恭已恭已正南
面道化與時移大赦盪萌漸文教被黃支象天則地體無
爲聰明配日月神聖參兩儀雖有三凶類靜言無所施象
天則地體無爲稷契竝佐命伊呂升王臣蘭芷登朝肆下

無失宿民聲發響自應表立景來附虓虎從羈制潛龍飛
天路備物立成器變通極其數百事以時敘萬幾有常度
訓之以克讓納之以忠恕羣下仰清風海外同懽慕象天
則地化雲布昔日貴彫飾今尙儉與素昔日多織介今去
情與故象天則地化雲布濟濟大朝士夙夜綜萬機萬機
無廢理明明降疇咨臣譬列星景君配朝日輝事業竝通
濟功烈何巍巍五帝繼三皇三王世所歸聖德應期運天
地不能違仰之彌已高猶天不可階將復御龍氏鳳皇在

庭樓 洪業篇

聖祖受天命應期輔魏皇入則綜萬幾出則征四方朝廷

無遺理萬表甯且康道隆舜臣堯積德踰大王孟度阻窮
險造亂天一隅神兵出不意奉命致天誅赦善戮有罪元
惡宗爲虛威風振勁蜀武烈懼強吳諸葛不知命肆逆亂
天常擁徒十餘萬數來寇邊疆我皇邁神武秉鉞鎮雝梁
亮乃畏天威未戰先仆僵盈虛自然運時變固多艱東征
陵海表萬里梟賊淵受遺齊七政曹爽又滔天羣凶受誅
殛百祿咸來臻黃華應福始王凌爲禍先 天命篇

明君御四海聽鑒盡物情願望有譴罰竭忠身必榮蘭茝
出荒野萬里升紫庭茨草穢堂階埽截不得生能否莫相
蒙百官正其名恭己慎有爲有爲無不成闔君不自信羣

下執異端正直罹漫濶姦臣奪其權雖欲盡忠誠結舌不
敢言結舌亦何憚盡忠爲身患清流豈不潔飛塵濁其源
岐路令人迷未遠勝不還忠臣立君朝正色不顧身邪正
不竝存譬若胡與秦胡秦有合時邪正各異津忠臣遇明
君乾乾惟日新羣日統杜綱眾星拱北辰設令遭闇主斥
退爲凡民雖薄供時用白茅猶可珍冰霜晝夜結蘭桂摧
爲薪邪臣多端變用心何委曲便辟順情旨動隨君所欲
偷安樂目壽不問清與濁積僞罔時主養交以持祿言行
恆相違難厭甚谿谷昧死射乾沒覺露則滅族

明君篇

荀勗

食舉東西廂歌十二首

翼翼大君民之攸暨信理天工惠康不匱將遠不仁訓以
淳粹幽明有倫俊乂在位九族既睦庶邦順比開元布憲
四海麟萃協時正統殊塗同致厚德載物靈心隆貴敷奏
讜言納以無諱樹之典象誨之義類上教如風下應如卉
一人有慶羣萌以遂我后宴喜令聞不墜 翼翼

愔愔嘉會有聞無聲清酌既奠籩豆既馨禮充樂備簫韶
九成豈樂飲酒酣而不盈率土歡豫邦國以甯王猶允塞
萬載無傾 嘉會

張華

八代詩選 漢至隋
四廂樂歌十六首

聖明統世篤皇仁廣大配天地順動若陶鈞元化參自然
至德通明神清風邕八極流澤被無垠

於皇時晉奕世齊聖惟天降嘏神祇保定宏濟區夏允集
大命有命既集光帝猷大明重耀鑒六幽聲教洋溢惠滂
流惠滂流移風俗多士盈朝賢俊比屋敦世心斲彫反素
樸反素樸懷庶方千戚舞階庭疏狄悅遐荒扶南假重譯
肅慎襲衣裳雲覆雨施德洽無疆旁作穆穆仁化翔

曹毗

江右宗廟歌

康皇穆穆仰嗣洪德爲而不宰雅音四塞閑邪以誠鎮物
以默威靜區宇道宣邦國 歌康皇帝

王珣

江左宗廟歌

皇矣簡文於昭于天靈明若神周淡如淵沖應其來實與
其遷疊疊心化日用不言易而有親簡而可傳觀流彌遠
求本逾元 歌太宗簡文皇帝

天鑒有晉欽哉烈宗同規文考元默允龔威而能猛約而
能通神鉦一震九域來同道積淮海雅頌自東氣陶滄露
化協時維 歌烈宗孝武皇帝

宋顏延之

南郊登歌

維聖饗帝維孝饗親皇乎備矣有事上春禮行宗祀敬達
郊禋金枝中樹廣樂四陳陟配杜京降德杜民奔精照夜
高燎煬晨陰明浮爍沈崇深淪告成大報受釐元神月御
按節星驅扶輪遙興遠駕耀耀振振 迎送神歌

營泰時定天衷思心睿謀筮從建表藎設郊宮田燭置燿
火通曆元旬律首吉飾紫壇坎列室中星兆六宗秩乾宇
旻地區謚大孝昭祭禮供牲日展盛自躬具陳器備禮容
形舞綴被歌鐘望帝闡聳神蹕靈之來辰光溢絜粢酌娛

太一明輝夜華晷日裸旣始獻又終烟薌鬯報清穹饗宋
德祚王功休命永福履充 饗神歌

謝莊

明堂歌

百川如鏡天地爽且明雲沖氣舉德盛在素精木葉初下
洞庭始揚波夜光徹地翻霜照縣河庶類收成歲功行欲
甯浹地奉渥罄宇承秋靈 歌白帝 九言依金數

蒞禮容餘樂度靈方留景欲莫開九重肅五達鳳參差龍
已沫雲旣動河旣梁萬里照四空香神之車歸清都璇庭
寂玉殿虛溶化凝孝風熾顧靈心結皇思 送神歌

殷淡

章廟樂舞歌十五首

皇朝鬯矣孝容以昭鑿華羽迺拂漢涵濇申申嘉夜翊翊
休朝行金景從步玉風韶師承祀則肅對禋祧 永至樂
皇帝入廟北門奏

幽端浚靈表彰嬪聖翊戴徽文敷光崇慶上緯纏祥中維
飾詠永屬輝猷聯昌景命 章德凱容樂章太后室

王韶之

食舉歌

晨曦載耀萬物咸覩嘉慶三朝禮樂備舉元正肇始典章

徽明萬方畢來賀華裔充皇庭多士盈九德俯仰觀玉聲
恂恂俯仰載爛其輝鼓鐘震天區禮容塞皇闈思樂窮休
慶福履同所歸

明帝劉昱及虞和同造

秦始歌舞歌曲十二首

開寶業資賢昌謨明盛弼諧光烈武惟略景王勳南康華
容變政文猛績爰著有左軍三王到氏文武贊丞相作輔
屬伊且沈柳宗侯皆殄亂秦始開運超百王司徒驃騎勳
德康江安謨效殷誠彰劉沈承規功名揚慶歸我后祚無

疆通國風

八代詩選

樂章樂詞

香

在心曰志發言詩聲成于文被管絲手舞足蹈欣泰時移
風易俗王化基琴角揮韻白雲舒簫韶協音神鳳來拊擊
和節詠壯初章曲乍畢情有餘文同軌一道德行國靖民
和禮樂成四縣庭響美勳英八列陛唱貴人聲舞飾麗華
樂容工羅裳映日袂隨風金翠烈輝蕙麝豐淑姿秀體允
帝衷 白紵篇 大雅

何承天

私造鼓吹鑣歌十五首

朱路揚和鸞翠蓋耀金華元牡飾樊纓流旌拂飛霞雄戟
闐曠塗班劒翼高車三軍且莫誼聽我奏鑣歌清聲驚短

簫朗鼓節鳴笳人心惟愷豫茲音亮且和輕風起紅塵淳
瀾發微波逸韻騰天路積響結城阿仁聲被八表威震振
九遐嗟嗟介冑士勸哉念皇家 朱路篇

思悲公懷袞衣東國何悲公西歸公西歸流二叔幼主旣
悟僂禾復僂禾復聖志申營都新邑從斯民從斯民德惟
明制禮作樂興頌聲興頌聲致嘉祥鳴鳳爰集萬國康萬
國康猶弗已握髮吐餐下羣士惟我君繼伊周親覩盛世
復何求 思悲公篇

雖士多離心荆民懷怨情二凶不量德構難稱其兵王人
銜朝命正辭糾不庭上宰宣九伐萬里舉長旌樓船掩江

濟駟介飛重英歸德戒後夫賈勇尙先鳴逆徒既不濟愚
智亦相傾霜鋒未及染鄢郢忽已清西川無潛鱗北渚有
奔鯨陵威致天府一戰夷三城江漢被美化宇宙歌太平
惟我東郡民曾是深推誠 離離篇

戰城南衝黃塵丹旂電燧鼓雷震勅敵猛戎馬殷橫陳互
野若屯雲仗大順應三靈義之所感士忘生長劔擊繁弱
鳴飛鏑炫晃亂奔星虎騎躍華毳旋朱火延起騰飛烟驍
雄斬高旗搴長角浮叫響清天夷羣寇殪逆徒餘黎霑惠
詠來蘇奏愷樂歸皇都班爵獻俘邦國娛 戰城南篇

巫山高三峽峻青壁千尋深谷萬仞崇巖冠靈林冥冥山

禽夜響晨蟻相和鳴洪波迅復載逝載停悽悽商旅之客
懷苦情在昔陽九皇綱微李氏竊命宣武燿靈威蠢爾逆
蹤復踐亂機王旅薄伐傳首來至京師古之爲國惟德是
貴力戰而虐民鮮不顛墜矧乃叛戾伊胡能遂咨爾巴子
無放肆 巫山高篇

上邪下難正眾枉不可矯音和響必清端景緣直表大化
揚仁風齊民猶偃草聖王旣已沒誰能宏至道開春湛柔
露代終肅嚴霜承平貴孔孟政敝侯申商孝公明賞罰六
世猶克昌李斯肆濫刑秦氏所以亡漢宣隆中興魏祖甯
三方譬彼鍼與石效疾而稱良行葦非不厚悠悠何詎央

漢至隋

琴瑟時未調改弦當更張矧乃治天下此要安可忘 上

邪篇

齊謝超宗

北郊樂歌六首

詔禮崇營敬饗元時靈正丹帷月肅紫墀展薦登華風縣

凝鏘神惟戾止鬱葆遙莊昭望歲芬環游辰太穆哉尙禮

橫光秉藹 昭夏樂

太廟樂歌十六首

肇祀嚴靈恭禮尊國達敬敷典結孝陳則芬滌既肅犧牲

既整聳誠流思端儀選景肆禮佇夜絲樂望晨崇席皇鑒

用饗明神 引牲樂

清思窈窕閔寢微微恭言載感肅若有希芬俎具陳嘉薦
兼列凝馨烟颺分炤星哲睿靈式降協我帝道上澄五緯
下陶八表 嘉薦樂

謝朓

雩祭歌八首

清明暢禮樂新候龍景練貞辰陽律亢陰晷伏秬下土薦
種稔宸儀警王度乾嗟雲漢望昊天張盛樂奏雲舞集五
精延帝祖雩有諷縈有秩膺鬯芬圭瓚瑟靈之來帝闡開
車煜燿吹裴回停龍轡徧觀此凍雨飛祥雲靡壇可臨奠

可歆對眈社鑿皇心 迎神

白日短元夜深招搖轉移太陰霜鐘鳴冥陵起星迴天月
窮紀聽巖風來不息望元雲黝無色曾冰裂積羽幽飛雲
至天山側關梁閉方不巡合國吹響蜡賓統微陽究終始
百禮洽萬祚臻 黑帝 六言依水欸

敬如在禮將周神之駕不少留躍龍鑣轉金蓋紛上馳雲
之外警七曜詔八神排闥闔渡天津有滄興膚寸積雨冥
冥又終夕俾棲糧維萬箱皇情暢景命昌 送神

江淹

迎籍田樂歌

羽籟從動金駕時游教騰義鏡樂綴禮修率先丹耦躬耕
遵綠疇靈之聖之歲殷澤柔 迎送神升歌

梁沈約 蕭子雲

三朝雅樂歌

實體平心待和味庶羞百品多爲貴或鼎或鼐宣九沸楚
桂胡鹽芼芳卉加籩列俎彫且蔚 五味九變兼六和令
芳甘旨庶且多三危之露九真禾圓案方丈粲星羅皇舉
斯樂同山河 九州上腴非一族元芝碧樹壽華木終朝
采之不盈掬用拂腥羶和九穀旣甘且飫致遐福 人欲
所大味爲先興和盡敬咸在旃碧鱗朱尾獻嘉鮮紅毛綠

翼墜輕翮臣拜稽首萬斯年 需雅八曲之四食舉奏沈

約造

車同軌行同倫來萬國相九賓延羣后朝盡臣禮時行樂
日新攸夷則奏雅寅衮衣耀玉帛陳儀抑抑皇恂恂 寅
雅王公出入奏普通中蕭子雲改造

始諸飲食物之初設卦觀象受以需烝民乃粒有牲芻自
衛反魯修春秋弋不射宿般已祛 杜昔哲王觀民志庶
羞百品因時備爲善不同同歸治蔬膳菲食化始至率物
以躬行尊位 雅有泂酌風采蘋蕓藻之菜非八珍澗谿
沼沚貴先民明信之德感人神譬諸澮祭在西鄰 需雅

蕭子雲改造

沈約

鼓吹曲十首

木紀謝火運昌炳南陸燿炎光民去癸鼎歸梁鮫魚出慶
雲翔鞮五帝軼三王德無外化溥將仁蕩蕩義湯湯浸金
石達昊蒼橫四海被八荒舞干戚垂衣裳對天眷坐巖廊
肩有錫祚無疆風教遠禮容盛感人神宣舞詠降繁祉延
嘉慶 木紀謝

桐柏山淮之首肇基帝迹遂光區有大震邊關殪獯醜農
既勸民惟阜穗充庭稼盈畝迨嘉辰薦芳糗納寒場爲春

九代詩選
漢至隋

素

酒昭景福介眉壽天斯長地斯久化無極功無朽
桐柏

山

陳

太廟舞詞

於赫皇祖宮牆高嶷邁彼厥初成茲峻極縵樂簡簡闕寢
翼翼裸饗若存惟靈靡測
凱容舞皇祖步兵府君室

北齊陸印等

大禘園丘及北郊歌詞十三首

剛柔設位惟皇配之言肅其禮念暢在茲飭牲舉獸載歌
且舞既設伊膺致精靈府物色惟典齊沐加恭宗族咸暨

罔不率從 昭夏樂牲出入奏

享廟樂詞十八首

禮行斯畢樂奏以終受嘏先退載暢其衷鑾軒循轍麾旌
復路光景裴回弦歌顧慕靈之相矣有錫無疆國圖日鏡
家曆天長 皇夏皇帝詣便殿奏

元會大饗歌食舉樂十曲 錄二

天壤和國家穆悠悠萬類咸孕育契冥化侔大造靈效珍
神歸寶興雲氣飛龍蒼麟一角鳳五光朱雀降黃玉表九
尾馴三足擾化之定至矣哉瑞感德四方來

囹圄空水火菽粟求賢振滯棄珠玉衣不靡宮以卑當陽

端默垂拱無爲云云萬有其樂不訾

北周庾信

祀園丘歌十二首

重陽禋祀大報天丙午封壇肅且園孤竹之管雲和弦神
光來下風蕭然王城七里通天臺紫微斜照影裴回連珠
合璧重光來天策暫轉鉤陳開 昭夏 降神

歲之祥國之陽蒼靈敬翠雲長象爲節龍爲章乘長日坏
蟄戶列雲漢迎風雨六呂歌雲門舞省滌濯奠牲牲鬱金

酒鳳皇尊回天睠顧中原

登歌

初獻及獻
配帝畢奏

國命在禮君命在天陳誠唯肅飲福唯虔洽斯百禮福以

千年鉤陳掩暎天駟裴回彫禾飾罽翠羽承罍受斯茂祉
從天之來 皇夏 飲福酒奏

祀方澤歌四首

曰若厚載欽明方澤敢以敬恭陳之玉帛德包含養功藏
靈迹斯箱既千子孫則百 昭夏 奠玉帛

燕射歌詞五聲調曲二十四首

百川俱會大海所以深羣材既聚故能成鄧林猛虎杜山
百獸莫敢侵忠臣處國天下無異心昔我文祖執心且危
慮驅翦豺狼經營此天步今我受命又無敢逸豫惟爾禰
諧各可知競懼 商調曲

隋牛宏等

圜丘歌

肅祭典協良辰具嘉薦埃皇臻禮方成樂已變感靈心回
天眷闢華闕下乾宮乘精氣御祥風望燿火通田燭膺介
圭受瑄玉神之臨慶陰陰烟衢洞宸路深善旣福德斯輔
流鴻祚遍區宇 昭夏 降神

八代詩選第十八

漢至隋

八代詩選十九

歌謠全卷

長沙湘潭王闔運撰

漢文帝時民歌

一尺布尙可縫一斗粟尙可舂兄弟二人不相容

元帝時民歌

牢邪石邪五鹿客邪印何纍纍綬若若邪

隴頭歌

隴頭流水流離四下念我行役飄然曠野登高望遠涕零

雙墮

隴頭流水鳴聲幽咽遙望秦川肝腸斷絕

八代詩選

歌謠全
漢至隋

匈奴歌

失我焉支山令我婦女無顏色
失我祁連山使我六畜不蕃息

成帝時童謠

燕燕尾涎涎張公子時相見
木門倉琅根燕飛來啄皇孫
皇孫死燕啄矢

邪徑敗良田讒口亂善人
桂樹華不實黃雀巢其顛
昔爲人所羨今爲人所憐

王莽時童謠

壤陂誰翟子威飯我豆食羹芋魁
反乎覆阪當復誰云者

兩黃鵠 汝南鴻隙陂謠

出吳門望緹羣見一蹇人言欲上天今天可上地上安得
民 天水謠

會稽民謠

城上烏鳴哺父母府中諸吏皆孝友

順帝時謠

直如弦死道邊出如鉤反封侯

桓帝時謠

小麥青青大麥枯誰當穫者婦與姑丈夫何在西擊胡吏
置馬君具車請爲諸君鼓隴胡

城上烏尾畢逋公爲吏子爲徒一徒死百乘車車班班至
河間河間姪女工數錢以錢爲室金爲堂石上慊慊春黃
梁梁下有縣鼓我欲擊之丞卿怒

靈帝末謠

侯非侯王非王千乘萬騎上北芒

歌八首

采葵莫傷根傷根葵不生結交莫羞貧羞貧交不成
甘瓜抱苦蒂美棗生荆棘利旁有倚刀貪人還自賊
橐砧今何在山上復有山何當大刀頭破鏡飛上天
日莫秋雲陰江水清且深何用通音信蓮花瑋瑋簪

菟絲從長風根莖無斷絕無情尙不離有情安可別
南山一樹桂上有雙鴛鴦千年長交頸歡慶不相忘
高田種小麥終久不成穗男兒在他鄉焉得不憔悴
蘭草自然香生於大道旁要鎌八九月俱在束薪中

歌鮑司隸

鮑氏驄三入司隸再入公馬雖瘦行步工

枯魚過河泣

枯魚過河泣何時悔復及作書與魴鱖相教慎出入

筮篔引

公無渡河公竟渡河墮河而死當奈公何

焦先歌

祝魴祝魴非魚非肉更相追逐本爲殺牂羊更殺殺癩邪
魏文帝時謠

青槐夾道多塵埃龍樓鳳闕望崔巍清風細雨襍香來土
上出金火照臺

明帝時謠

阿公阿公駕馬車不意阿公東渡河阿公東還當奈何

晉綠珠懊儂歌

絲布罽難縫令儂十指穿黃牛細犢車遊戲出孟津

謝尚大道曲

青陽二三月柳青桃復紅車馬不相識音落黃埃中

孫綽情人碧玉歌

碧玉小家女不敢攀貴德感郎千金意慙無傾城色
碧玉破瓜時相爲情顛倒感郎不羞難回身就郎抱

王獻之桃葉歌

桃葉復桃葉渡江不用楫但渡無所苦我自迎接汝
桃葉復桃葉桃樹連桃根相憐兩樂事獨使我殷勤

子夜歌

落日出前門瞻矚見子度冶容多姿鬢芳香已盈路
芳是香所爲冶容不敢當天不奪人願故使儂見郎

宿昔不梳頭絲髮被兩肩
婉伸郎鄰下何處不可憐
自從別歡來匳器了不開
頭亂不敢理粉拂生黃衣
崎嶇相怨慕始獲風雲通
玉牀語石闕悲思兩心同
見娘善容媚願得結金蘭
空織無經緯求匹理自難
始欲識郎時兩心望如一
理絲入殘機何悟不成匹
前絲斷纏絲意欲結交情
春蠶易感化絲子已復生
今日與歡別合會在何時
明燈照空局悠然未有期
自從別郎來何日不咨嗟
黃檗鬱成林當奈苦心多
高山種芙蓉復經黃檗隰
果得一蓮時流離嬰辛苦
春林花多媚春鳥意多哀
春風復多情吹我羅裳開

新燕弄初調杜鵑競晨鳴畫眉忘注口游步散春情
昔別雁集渚今還燕巢梁敢辭歲月久但使逢春陽
朝日照北林初花錦繡色誰能不相思獨在機中織
崎嶇與時競不復自顧慮春風振榮林常恐花落去
思見春花月含笑當道路逢儂多欲摘可憐持自誤
自從別歡後歎息不絕響黃鸝向春生苦心隨日長
高堂不作壁招取四面風吹歡羅裳開動儂含笑容
反覆華簾上屏幃了不施郎君未可前待我整容儀
疊扇放牀上企想遠風來輕裊拂華妝窈窕登高臺
朝登涼臺上夕宿蘭池裏乘月采芙蓉夜夜得蓮子

鬱蒸仲暑月長嘯北湖邊芙蓉始結棄拋豔未成蓮
春桃初發紅惜色恐儂摘朱夏花落去誰復相尋覓
昔別春風起今還夏雲浮路遙日月促非是我淹留
春傾桑葉盡夏開蠶務畢晝夜理機絲知欲早成匹
輕衣不重綵颺風故不涼三伏何時過許儂紅粉妝
盛暑非游節百慮相纏綿汎舟芙蓉湖散思蓮子閒
開窗秋月光滅燭解羅裳含笑帷幌裏舉體蘭蕙香
涼風開窗寢斜月垂光照中宵無人語羅幌有雙笑
初寒八九月獨纏自絡絲寒衣尙未了郎喚儂底爲
仰頭看桐樹桐花特可憐願天無霜雪梧子解千年

秋風入窗裏羅帳起飄颻仰頭看明月寄情千里光
淙淙無人行冒寒往相覓若不信儂時但看雪上迹
夜半冒霜來見我輒怨唱懷冰闌中倚已寒不蒙亮
天寒歲欲莫朔風舞飛雪懷人重衾寢故有三夏熱
朔風灑霰雨綠池蓮水結願歡攘皓腕共弄初落雪
未嘗經辛苦無故強相矜欲知千里寒但看井水冰
果欲結金蘭但看松柏林經霜不墮地歲寒無異心

子夜變歌

人傳歡負情我自未嘗見三更開門去始知子夜變

歡聞歌

遙遙天無柱流漂萍無根單身如螢火持底報郎恩

歡聞變歌

缺臂飲清血牛羊持祭天沒命成灰土終不罷相憐

前溪歌

憂思出門倚逢郎前溪度莫作流水心引新都捨故

黃葛生瀾漫誰能斷葛根甯斷嬌兒乳不斷郎殷勤

黃葛結蒙龍生在洛溪邊花落逐流去何當順流還還亦

不復鮮

團扇郎

團扇薄不搖窈窕搖蒲葵相憐中道罷定是阿誰非

白練薄不著趣欲著錦衣異色都言好清白爲誰施

桃葉歌

桃葉映紅花無風自婀娜春花暎何限感郎獨采我

歡好曲

淑女總角時喚作小姑子容豔初春花人見誰不喜
窈窕上頭歡那得及破瓜但看脫葉蓮何如芙蓉花

懊儂歌

江陵去揚州三千三百里已行一千三所有二千在
我與歡相憐約誓底言者常歎負情人歡今果成詐
我有一所歡安在深閣裏桐樹不結花何由得梧子

八什詩選 漢至隋

髮亂誰料理託儂言相思還君華豔去催送實情來

山頭草歡少四面風趨使儂顛倒

懊惱奈何許夜闌家中論不得儂與汝

聖郎曲

左亦不佯佯右亦不翼翼仙人在郎旁玉女在郎側酒無沙糖味為他通顏色

嬌女詩

蹀躞越橋上河水東西流上有神仙居下有西流魚魚行不獨自三三兩兩俱

白石郎曲

白石郎臨江居前導江伯後從魚

積石如玉列松如翠郎豔獨絕世無其二

明下童

走馬上前陂石子彈馬蹏不惜彈馬蹏但惜馬上兒
陳孔驕赭白陸郎乘斑駁徘徊射堂頭望門不欲歸

安東平

淒淒烈烈北風爲雪船道不通步道斷絕
吳中細布闊幅長度我有一端與郎作袴
微物雖輕拙手所作餘有三丈爲郎別曆
制爲輕巾以奉故人不持作好與郎拭塵

東平劉生復感人情與郎相知當解千齡

那阿灘

我去只如還終不在道邊我若
在道邊良信寄書還
聞歡下揚州相送江津灣願得
篙檣折交郎到頭還
篙折當更覓檣折當更安各自
是官人那得到頭還

孟珠

陽春二三月草與水同色攀條
摘香花言是歡氣息
揚州石榴花摘插雙襟中葳蕤
當憶我莫持豔他儂

翳樂

人生歡愛時少年新得意一日
不相見輒作煩冤思

夜度娘

夜來冒霜雪晨去履風波雖得敘微情奈儂身苦何

雙行纏

朱絲繫挽繩眞如白雪凝非但我言好眾情其所稱
新羅繡行纏足趺如春妍他人不言好獨我知可憐

潯陽樂

雞亭故儂去九里新儂還送一卻迎兩無有暫時閒

作蠶絲

柔柔感陽風阿娜嬰蘭婦垂條付綠葉委體看女手
春蠶不應老晝夜常懷絲何惜微軀盡纏絲自有時

月節折楊柳歌

春風尙蕭條去故來如新苦心非一朝折楊柳愁思滿腹
中歷亂不可數 正月

翩翩鳥入鄉道逢雙燕飛勞君看三陽折楊柳寄言語儂
歡尋還不復久 二月

汎舟臨曲池仰頭看春花杜鵑緯林嗚折楊柳雙下俱裴
回我與歡共取 三月

芙蓉始懷蓮何處覓同心俱生世尊前折楊柳捻香散名
花志得長相取 四月

菰生四五尺素身爲誰珍盛年將可惜折楊柳作得九子

櫻思想勞歡手 五月

三伏熱如火籠窗開北牖與郎對跼坐折楊柳同堰貯蜜
漿不用水洗溴 六月

織女游河邊牽牛顧自歎一會復周年折楊柳擊結長命
草同心不相負 七月

迎歡裁衣裳日月如流水白露凝庭霜折楊柳夜聞擣衣
聲窈窕誰家婦 八月

甘菊吐黃花非無杯觴用當奈許寒何折楊柳授歡羅衣
裳含笑言不取 九月

大樹轉蕭索天陰不作雨嚴霜半夜落折楊柳林中與松

柏歲寒不相負 十月

素雪任風流樹木轉枯悴松柏無所憂折楊柳寒衣履薄
冰歡詎知儂否 十一月

天寒歲欲暮春秋及冬夏苦心停欲度折楊柳沈亂枕席
間纏絲不覺久 十二月

成閏暑與寒春秋補小月念子時無閒折楊柳陰陽推我
去那得有定主 閏月

長干曲

逆浪故相邀淺舟不怕搖妾家楊子住便弄廣陵潮
朝思出前門暮思還後渚含笑向誰道腹中陰憶汝

擘枕北窗臥郎來就儂嬉小喜多唐突相憐能幾時
郎爲旁人取負儂非一事攤門不安橫無復相關意
年少當及時蹉跎日就老若不信儂語但看霜下草
常慮有二意歡今果不齊枯魚就濁水長與清流乖
感歡初殷勤歎子後遼落打金側瑋瑄外豔裏懷薄
誰能思不歌誰能飢不食日冥當戶倚惆悵底不憶
擘鬢未結帶約眉出前窗羅裳易飄颺小開罵春風
舉酒持相勸酒還杯亦空願因微觴會心感色亦同
夜長不得眠轉側聽更鼓無故歡相逢使儂肝腸苦
歡從何處來端然有憂色三喚不一應有何比松柏

驚風急素柯白日漸微濛
郎懷幽閨性儂亦恃春容
夜長不得眠明月何灼灼
想聞散喚聲虛應空中諾
我念歡的的子行由豫情
霧露隱芙蓉見蓮不分明
儂作北辰星千年無轉移
歡行白日心朝東暮還西
憐歡好情懷移居作鄉里
桐樹生門前出入見梧子
遣信歡不來自往復不出
金桐作芙蓉蓮子何能實

子夜四時歌

碧樓冥初月羅綺垂新風
含春未及歌桂酒發清容
羅裳迳紅裊玉釵明月璫
冶游步春路豔覓同心郎

并州歌汲桑

士爲將軍何可羞六月重裯被狐裘不識寒暑斷人頭雄
兒田蘭爲報讎中夜斬首謝并州

襄陽兒童歌山簡

山公出何許往至高陽池日夕到載歸酩酊無所知時時
能騎馬到著白接離舉鞭向葛疆何如并州兒

海西公太和時民歌

青青御路揚白馬紫游韁汝非皇太子那得甘露漿
鳳皇生一雛天下莫不喜本言是馬駒今定成龍子

西州歌麴游

麴與游牛羊不數頭南開朱門北望青樓

三峽漁人歌

巴東三峽巫峽長
蝮鳴三聲淚霑裳
巴東三峽蝮鳴悲
蝮鳴三聲淚霑衣

武帝末童謠

局縮肉數橫
目中國當敗
吳當復

宮門柱且莫朽
吳當復在三十年後
雞鳴不拊翼
吳復不用力

安帝時謠

官家養蘆化成荻
蘆生不止自成積

宋孝武帝劉駿丁督護歌

督護北征去相送落星墟帆檣如芒櫂督護今何渠
聞歡去北征相送直瀆浦只有淚可出無復情可吐
督護初征時儂亦惡聞許願作石尤風四面斷行旅
謝靈運東陽溪中贈答

可憐誰家婦緣流洒素足明月在雲閒茗茗不可得
可憐誰家郎緣流乘素舸但問情若爲月就雲中墮

鮑照吳歌

夏口樊城岸曹公卻月樓觀見流水還識是儂淚流
夏口樊城岸曹公卻月戍但見流水還識是儂淚下
人言荆江狹荆江定自闊五兩了無聞風聲那得達

華山畿

華山畿君既爲儂死獨活爲誰施歡若見憐時棺木爲儂
開

聞歡大養蠶定得幾許絲所得何足言奈何黑瘦爲
夜相思投壺不得箭憶歡作嬌時

開門枕水渚三刀治一魚厯亂傷般汝

嘯著曙淚落枕將浮身沈被流去

將懊惱石闕晝夜題碑淚常不燥

別後常相思頓書千丈闕題碑無罷時

嘯相憶淚如漏刻水晝夜流不息

無故相然我路絕行人斷夜夜故望汝
不能長久離中夜憶歡時抱被空中曠
相送勞勞渚長江不應滿是儂淚成許
奈何許天下人何限慊慊只爲汝
夜相思風吹窗簾動言是所歡來
長鳴雞誰知儂念汝獨向空中曠

讀曲歌

紅藍與芙蓉我色與歡敵暮案石榴花
厯亂聽儂摘千葉紅芙蓉照灼綠水邊
餘花任郎摘慎莫擺儂蓮思歡久不愛
獨枝蓮只惜同心藕

打壞木棲牀誰能坐相思三更書石闕憶子夜嗁悲
奈何不可言朝看莫牛跡知是宿蹠痕

柳樹得春風一低復一昂誰能空相憶獨眠度三陽
折楊柳百鳥園林嗁道歡不離口

坐起歎汝好願他甘叢香傾筐入懷抱
逋髮不可料顛顛爲誰覩欲知相憶時但看鬚帶緩幾許
憶歡不能食裴回三路閒因風覓消息

芳萱初生時知是忘憂草雙眉畫未成那能就郎抱
聞歡得新儂四支懊如垂鳥散放行路井中百翅不能飛
憐歡敢喚名念歡不呼字連喚歡復歡兩誓不相棄

奈何許石闕生口中銜碑不得語

白門前烏帽白帽來白帽郎是儂不知烏帽郎是誰
自從別郎來臥宿頭不舉飛龍落藥店骨出只爲汝
百度不一回千書信不歸春風吹楊柳華豔空裴回
音信闊弦朔方悟千里遙朝霜語白日知我爲歡消
合冥過藩來向曉開門去歡取身上好不爲儂作慮
思歡不得來抱被空中語月沒星不亮持底明儂緒
君行負情事那得厚相於麻紙語三葛我薄汝粗疏
打殺長鳴雞彈去烏日鳥願得連冥不復曙一年都一曉
空中人住在高牆深閣裏書信了不通故使風往爾

非歡獨慊慊，儂意亦驅驅。雙燈俱時盡，奈許兩無由。
相憐兩樂意，橫作無趣怒。合散無黃連，此事復何苦。
執手與歡別，合會在何時。明燈照空局，悠然未有期。
含笑來向儂，一抱不能置。領後千里帶，那頓誰多媚。
歡心不相憐，慊苦竟何已。芙蓉腹裏萎，蓮汝從心起。
下帷掩燈燭，明月照帳中。無油何所苦，但使天明儂。
一夕就郎宿，通夜語不息。黃檠萬里路，道苦真無極。
詐我不出門，冥就他儂宿。鹿轉方相頭，顛倒欺人目。
登店賣三葛，郎來買丈餘。合匹與郎去，誰解斷粗蔬。

石城樂

生長石城下開窗對城樓城中諸少年出入見依投
聞歡遠行去相送方山亭風吹黃檗藩惡聞苦籬聲

莫愁樂

莫愁在何處莫愁石城西艇子打雨漿催送莫愁來
聞歡下揚州相送楚山頭探手抱鬢看江水斷不流

烏夜啼

歌舞諸少年娉婷無種迹菖蒲花可憐聞名不曾識
可憐烏臼鳥強言知天曙無故三更啼歡子冒闖去
遠望千里烟隱當在歡家欲飛無兩翅當奈獨思何

襄陽樂

朝發襄陽城暮至大隄宿大隄諸女兒花豔驚郎目
揚州蒲鍛環百錢兩三叢不能買將還空手攬抱儂

石城謠

可憐石頭城甯爲袁粲死不作褚淵生

齊王融擬古

花蒂今何在亦是林下生何當垂雙髻團扇雲間明

釋寶月估客樂

郎作十里行儂作九里送拔儂頭上釵與郎資路用
有信數寄書無信心相憶莫作瓶落井一去無消息
大艣珂綫頭何處發揚州借問艣上郎見儂所歡不

初發揚州時船出平津泊五兩如竹林何處相尋博

楊叛兒

暫出白門前楊柳可藏烏歡作沈水香儂作博山鑪
歡欲見蓮時移湖安屋裏芙蓉繞牀生眠臥抱蓮子
聞歡遠行去送歡至新亭津邏無儂名

蘇小小歌

妾乘油壁車郎騎青驄馬何處結同心西陵松柏下

永元中童謠

野豬雖嗥嗥馬子空闔渠不知龍與虎飲食江南墟七九
六十三廣莫人無餘烏集傳舍頭今汝得寬休但看三八

後推折景陽樓

梁武帝蕭衍

子夜歌

恃愛如欲進含羞未肯前
朱口發豔歌玉指弄嬌弦
階上香入懷庭中花照眼
春心一如此情來不可限
江南蓮花開紅光照碧水
色同心復同藕異心無異
玉盤著朱李玉杯盛白酒
雖欲持自親復恐不甘口
含桃落花日黃鳥營飛時
君住馬已疲妾去蠶欲飢

歡聞歌

豔豔金樓女心如玉池蓮
持底報郎恩俱期游梵天

南有相思木合影復同心游女不可求誰能息空陰

碧玉歌

杏梁日始照蕙席歡未極碧玉奉金杯綠酒助花色
襄陽白銅鞮歌

龍馬紫金鞍翠眊白玉羈照耀雙闕下知是襄陽兒

詠燭

堂中綺羅人席上歌舞兒待我光泛灑爲君照參差

簡文帝蕭綱春江曲

客行祇念路相爭度京口誰知隄上人拭淚空搖手

沈約

八什言選
漢至隋
夜夜曲

北斗闌干去夜夜
心獨傷月輝橫射枕
燈光半隱牀
襄陽蹋銅鞮歌

分手桃林岸送別峴山頭
若欲寄音信漢水向東流
蹀鞞飛塵起左右自生光
男兒得富貴何必在歸鄉

劉孝威古體

朝日大風霜寄事足交傷
葉落枝柯淨常自起碁張

陶宏景

胡笳曲

自戾飛天曆與奪徒紛紜
百年三五代終是甲辰君

題所居壁

夷甫任散誕平叔坐談空不言昭陽殿化作單于宮
和約法師臨友人

我有數行淚不落十餘年今日爲君盡併灑秋風前

曹景宗光華殿侍宴賦競病韻

去時兒女悲歸來笳鼓競借問行路人何如霍去病

包明月前溪歌

當曙與未曙百鳥嗁前窗獨眠抱被歎憶我懷中儂單情
何時雙

企喻歌

男兒欲作健結伴不須多鷄子經天飛羣雀兩向波
放馬大澤中草好馬著臆牌子鐵襖襠鈕鉞鷓尾條
前行看後行齊著鐵襖襠前頭看後頭齊著鐵鉞鉞
男兒可憐蟲出門懷死憂尸喪狹谷中白骨無人收

瑯邪王歌辭

新買五尺刀縣著中梁柱一日三摩娑劇於十五女
瑯邪復瑯邪瑯邪大道王陽春二三月單衫繡襖襠
東山看西水水流盤石閒公死姥更嫁孤兒甚可憐
瑯邪復瑯邪瑯邪大道王鹿鳴思長草愁人思故鄉
客行依主人願得主人彊猛虎依深山願得松柏長

快馬纏高鬣遙知身是龍誰能騎此馬唯有廣平公

紫騮馬歌辭

燒火燒野田野鴨飛上天童男娶寡婦壯女笑殺人
獨柯不成樹獨樹不成林念郎錦襖襠恆長不忘心

地驅樂歌

青青黃黃雀石積唐槌殺野牛押殺野羊
驅羊入谷白羊在前老女不嫁蹋地喚天
側側力力念君無極枕郎左臂隨郎轉側
摩挲郎須看郎顏色郎不念女不可與力
月明光光星欲墮欲來不來早語我

慕容垂歌

慕容攀牆視吳軍無邊岸我身分自當在殺牆外漢

隴頭流水歌

西上隴阪羊腸九回山高谷深不覺腳酸手攀弱枝足踰弱泥

捉搦歌

粟穀難舂付石臼弊衣難護付巧婦男兒千凶飽人手老女不嫁只生口

誰家女子能行步反著袂禪後裙露天生男女共一處願得兩箇成翁媪

華陰山頭百丈井下有流水徹骨冷可憐女子能照影不見其餘見斜領

黃桑柘屐蒲子履中央有絲兩頭繫小時憐母大憐婿何不早嫁論家計

折楊柳歌辭

上馬不捉鞭反折楊柳枝蹀座吹長笛愁殺行客兒
腹中愁不樂願作郎馬鞭出入擐郎臂蹀座郎剗邊
放馬兩泉澤忘不著連羈擔鞍逐馬走何見得馬騎
遙看孟津河楊柳鬱娑娑我是虜家兒不解漢兒歌
健兒須快馬快馬須健兒跼跋黃塵下然後別雄雌

門前一株棗歲歲不知老阿婆不嫁女那得孫兒抱
敕敕何力力女子臨窗織不聞機杼聲唯聞女歎息
問女何所思問女何所憶阿婆許嫁女今年無消息

幽州馬客吟

快馬常若瘦勦兒常苦貧黃禾起羸馬有錢始作人
熒熒帳中燭燭滅不久停盛時不作樂春花不重生
南山自言好只與北山齊女兒自言好故入郎君懷
郎著紫袴褶女著采衣被羣男女共燕游黃花生後園
黃花鬱金色綠蛇銜珠丹辭謝牀上女還我十指環

慕容家歌

郎在十里樓女在九重閣郎非黃鸝子那得雲中雀

高陽王樂人歌

可憐白鼻騮相將入酒家無錢但共飲畫地作交賒
何處醪觴來兩頰色如火自有桃花容莫言人勸我

已上自企喻詞三十六首皆北歌附梁後

梁武帝時童謠

鹿子開城門城門鹿子開當開復未開使我心裴回城中
諸少年逐歡歸去來

可憐巴馬子一日行千里不見馬上郎但見黃塵起黃塵
污人衣阜莢相料理

陳伏知道從軍五更轉五首

一更刁斗鳴校尉連連城遙聞射雕騎縣憚將軍名
二更愁未央高城寒夜長試將弓學月聊持劍比霜
三更夜警新橫吹獨吟春疆聽梅花落誤憶柳園人
四更星漢低落月與雲齊依稀北風裏胡笳雜馬嘶
五更催送籌曉色暎山頭城烏初起堞更人悄下樓

陳初童謠

日西夜烏飛拔劍倚梁柱歸去來歸山下

北魏王肅妻謝氏贈王肅

本爲箔上蠶今作機上絲得絡逐勝去頗憶纏絲時

陳留長公主代蕭答詩

鍼是貫紳物目中常維絲得帛縫新去何能納故時

李波小妹歌

李波小妹字雍容
褰裙逐馬如卷蓬
左射右射必疊雙
婦女尙如此男子安可逢

咸陽王元禧宮人歌

可憐咸陽王奈何
作事誤金牀
玉肌不得眠
夜踏霜與露
洛水湛湛彌岸長
行人那得渡

齊斛律金敕勒歌

敕勒川陰山下
天似穹廬籠蓋四野
天蒼蒼野茫茫
風吹

草低見牛羊

魏靜帝時鄴都謠

可憐青雀子飛入鄴城裏作窠猶未成舉頭失鄉里寄言
與婦母好看新婦子

齊昭帝時童謠

中興寺內白鳧翁四方側聽聲雍雍道人聞之夜打鐘

隋李月素贈情人

感郎千金意含嬌抱郎宿試作帷中音羞開燈前目

蘇蟬翼因故人歸作

郎去何太速郎來何太遲欲借一尊酒共敘十年悲

張碧蘭寄阮郎

郎如洛陽花妾似武昌柳
兩地惜春風何時一攜手

團扇歌

白團扇辛苦五流連
是郎眼所見

白團扇憔悴非昔容
羞與郎相見

七寶畫團扇燦爛明月光
餉郎卻暄暑相憶莫相忘

青青林中竹可作白團扇
動搖郎玉手因風託方便

團扇復團扇持許自障面
憔悴無復理羞與郎相見

八代詩選第十九